



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU BOSANSKE NARODNE STRANK BNS-VND

Broj: 03-07-6-483/23
Sarajevo, 06.03.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanske narodne stranke BNS-VND za 2022. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Bosanska narodna stranka BNS-VND prekršila odredbe člana 4. stav (1), člana 11. stav (1), člana 12. stav (1) i stav (4) i člana 13. stav (1) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Bosanske narodne stranke BNS-VND za 2022. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Bosanska narodna stranka BNS-VND se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.647,50	11,68
2.	Prilozi fizičkih lica (3-a)	19.503,50	86,03
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	22.151,00	97,71
II	Ostali prihodi i drugo	520,00	2,29
	Izvori finansiranja (I+II)	22.671,00	100,00

U godišnjem finansijskom izvještaju za 2022. godinu Bosanska narodna stranka BNS-VND je iskazala rashode u ukupnom iznosu od 22.701,21KM.

2. PREDSTAVLJANJE POLITIČKE STRANKE

Naziv političke stranke je Bosanska narodna stranka. Skraćeni naziv: B.N.S.-V.N.D.

Bosanska narodna stranka registrovana je kod Općinskog suda u Sarajevu Rješenjem broj: 065-0-F1-21-000 005 od 01.06.2021. godine.

Sjedište političke stranke je u Sarajevu, dr. Silve Rizvanbegović 15.

Lice ovlašteno za zastupanje stranke je Sanin Musa, predsjednik stranke.

Politička stranka u godišnjem finansijskom izvještaju nije navela podatke o licu ovlaštenom za podnošenje finansijskih izvještaja.

Prema podacima iz godišnjeg finansijskog izvještaja za 2022. godinu, Bosanska narodna stranka BNS-VND ima sljedeću organizacionu strukturu:

- BNS Sarajevo,
- 2 gradska odbora i
- 3 općinska odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanske narodne stranke BNS-VND za 2022. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Bosanske narodne stranke BNS-VND obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola finansijskih izvještaja obavlja se prvi put.

5. NALAZI I PREPORUKE

5.1 NALAZI

a) Bosanska narodna stranka BNS-VND nije postupila u skladu s odredbama člana 4. stav (1) Zakona o finansiranju političkih stranaka¹.

Bosanska narodna stranka BNS-VND je u godišnjem finansijskom izvještaju za 2022. godinu iskazala rashode u ukupnom iznosu od 19.503,50 KM.

Uvidom u službene evidencije, utvrđeno je da Bosanska narodna stranka BNS-VND nije dostavila program utroška sredstava za 2022. godinu.

S obzirom da politička stranka nije dostavila program utroška sredstava za 2022. godinu, smatramo da je finansijska sredstva u iznosu od 19.503,50 KM utrošila bez programa utroška sredstava, što je suprotno odredbama člana 4. stav (1) Zakona o finansiranju političkih stranaka.

b) Bosanska narodna stranka BNS-VND prekršila je odredbe člana 11. stav (1), člana 12. stav (1) i stav (4) i člana 13. stav (1) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja za 2022. godinu, utvrđeno je da Bosanska narodna stranka BNS-VND nije vodila pravilne i potpune evidencije o svojim rashodima i obavezama i nije obrasce godišnjeg finansijskog izvještaja popunila u skladu s Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Politička stranka u obrascu 1.1 (organizaciona struktura političke stranke) godišnjeg finansijskog izvještaja nije iskazala sve odbore koje je imala tokom 2022. godine, čime je prekršila odredbu člana 10. Pravilnika.

Politička stranka je u obrascu 1.1 godišnjeg finansijskog izvještaja iskazala sljedeću organizacionu strukturu: BNS Sarajevo, gradske odbore u Tuzli, Gračanici i Živinicama, te općinske odbore u Kalesiji i Tešnju.

Uvidom u izvode sa transakcijskog računa utvrđeno je da je politička stranka platila Gradu Zenica korištenje poslovnog prostora za maj, juni i juli 2022. godine, što ukazuje da je politička stranka imala organizacioni dio u Zenici, ali da isti nije iskazala u finansijskom izvještaju.

(2) Politička stranka nije u godišnjem finansijskom izvještaju pravilno iskazala podatke o svojim prihodima, čime je prekršila odredbe člana 13. i 14. Pravilnika.

¹ Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

U godišnjem finansijskom izvještaju politička stranka je iskazala članarine u iznosu od 2.647,50 KM, priloge fizičkih lica u iznosu od 19.503,50 KM i ostale prihode u iznosu od 520,00 KM, odnosno ukupne prihode u iznosu od 22.671,00 KM.

U poslovnim knjigama stranka je evidentirala ukupne prihode u iznosu od 22.671,00 KM, sljedeće strukture: članarine u iznosu od 2.647,50 KM i priloge fizičkih lica u iznosu od 20.023,50 KM.

Kontrolom iskazanih prihoda, utvrđeno je sljedeće:

- Stranka je u poslovnim knjigama i godišnjem finansijskom izvještaju evidentirala prihode od članarine primljene od Izeta Šabanovića u iznosu od 700,00 KM, Nevres Hrustić u iznosu od 194,00 KM i Eldara Burekovića u iznosu od 120,00 KM.

Odlukom o članarini od 01.01.2022. godine propisano je da mjesečna članarina iznosi 8,50 KM, odnosno 102,00 KM godišnje.

Imajući u vidu u Odluku o članarini, prihodi od članarine od navedena tri lica iznosili su 306,00 KM, dok je stranka sredstva koja je primila u većem iznosu u odnosu na propisanu članarinu, trebala u obrascu 3-a iskazati kao priloge, i to: Izet Šabanović u iznosu od 598,00 KM, Nevres Hrustić u iznosu od 92,00 KM i Eldar Bureković u iznosu od 8,00 KM.

- U obrascu 3-a stranka je iskazala da je fizičko lice Izudin Bešić dao prilog političkoj stranci u iznosu od 700,00 KM. Kontrolom izvoda sa transakcijskog računa utvrđeno je da je fizičko lice Izudin Bešić dao priloge u ukupnom iznosu od 800,00 KM, ali da je stranka u poslovnim knjigama i finansijskog izvještaju prilog u iznosu od 100,00 KM evidentirala kao prihod od članarine.
- Stranka je u obrascu 3-a priloge fizičkih lica Semira Muratovića, Fahira Granića i Najima Avdibašića iskazala u manjem iznosu u odnosu na ostvarene.

Naime, stranka je primila dva priloga Semira Muratovića u ukupnom iznosu od 240,00 KM, dok je u finansijskom izvještaju iskazala prilog ovog lica u iznosu od 190,00 KM.

U obrascu 3-a stranka je iskazala prilog fizičkog lica Fahira Granića u iznosu od 100,00 KM, dok je uvidom u izvode sa transakcijskog računa utvrđeno da je navedeno lice dalo priloge u ukupnom iznosu od 120,00 KM.

Uvidom u izvode sa transakcijskog računa utvrđeno je da je Najim Avdibašić stranci donirao sredstva u ukupnom iznosu od 260,00 KM, dok je u obrascu 3-a stranka iskazala prilog ovog lica u iznosu od 200,00 KM.

- Uvidom u izvode sa transakcijskog računa utvrđeno je da politička stranka u obrascu 3-a nije iskazala priloge osam fizičkih lica u ukupnom iznosu od 440,00 KM, kako slijedi: Admir Valentić 50,00 KM, Aid Goga 50,00 KM, Amir Tenbećirović 50,00 KM, Elmedin Bistrić 80,00 KM, Senad Bezdob 100,00 KM, Faruk Bašić 50,00 KM, Hadžera Mešetović 50,00 KM i Edis Zolić 10,00 KM.

Na osnovu navedenog, utvrđeno je da su prihodi od članarina iznosili 1.849,50 KM, a prilozi fizičkih lica 20.821,50 KM, te da stranka nije ostvarila ostale prihode.

(3) Politička stranka nije u poslovnim knjigama i godišnjem finansijskom izvještaju iskazala potpune i pravilne podatke o troškovima, čime je prekršila odredbe čl. 7. stav (2)², 21. i 22. Pravilnika.

- Politička stranka je u godišnjem finansijskom izvještaju sve troškove iskazala u obrascu 4.1 (režijsko-administrativni i ostali troškovi) za BNS Sarajevo, dok je imala obavezu da u obrascima 4.1 troškove iskaže za svaki organizacioni dio pojedinačno.

² Finansijski izvještaj na nivou stranke podnosi se na obrascima 1, 1.1, 2, 2.1, 3, 3-f, 3-g, 4, 4.2. i 5, a za organizacione dijelove stranke na obrascima 3-a, 3-b, 3-c, 3-d, 3-e i 4.1, i to posebno za svaki organizacioni dio političke stranke.

- Politička stranka je u poslovnim knjigama i obrascu 4.1 godišnjeg finansijskog izvještaja, koji je popunila na nivou političke stranke, iskazala troškove zakupa poslovnih prostorija u iznosu od 2.723,70 KM.

Uvidom u poslovne knjige i izvode sa transakcijskog računa utvrđeno je da je stranka ostvarila troškove zakupa poslovnog prostora u Sarajevu u iznosu od 2.402,40 KM.

Politička stranka je u poslovnim knjigama evidentirala i troškove zakupa poslovnog prostora u Zenici za period maj-juli 2022. godine u iznosu od 321,30 KM, što je za 535,50 KM manje u odnosu na ugovoreni zakup. Uvidom u Ugovor o zakupu poslovnog prostora koji je 22.03.2022. godine politička stranka zaključila sa Gradom Zenica, utvrđeno je da je zakup poslovnog prostora iznosio 107,10 KM mjesečno, odnosno za period od 01.04. do 31.12.2022. godine 856,80 KM.

S obzirom da nije evidentirala sve troškove, tako ni obaveze prema zakupodavcu nisu iskazane u poslovnim knjigama i godišnjem finansijskom izvještaju, što je suprotno odredbi člana 24. Pravilnika.

- (4) Uvidom u dostavljenu dokumentaciju utvrđeno je da je politička stranka umjesto potvrde o primljenim priložima čiji je sadržaj propisan članom 6. Pravilnika, izdala fizičkim licima priznanice na kojima nisu navedeni podaci o broju ličnog dokumenta, adresi i mjestu prebivališta donatora.

U skladu s odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

- (5) Politička stranka u obrascu 1 (opšti podaci o političkoj stranci) godišnjeg finansijskog izvještaja nije navela podatke o ovlaštenom licu koje je odgovorno za vođenje poslovnih knjiga političke stranke, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, čime je prekršila odredbe člana 13. stav (1) Zakona o finansiranju političkih stranaka i člana 9. Pravilnika.

5.2 PREPORUKE

Preporučuje se političkoj stranci Bosanska narodna stranka BNS-VND da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da sačinjava program utroška sredstava i da finansijska sredstva obezbijedena za finansiranje stranke koristi u skladu sa utvrđenim programom utroška sredstava,***
- ***da sadržaj potvrde o primljenim priložima uskladi s odredbama člana 6. Pravilnika o godišnjim finansijskim izvještajima političkih stranaka,***
- ***da vodi poslovne knjige u skladu sa računovodstvenim propisima, odnosno da vodi potpune i pravilne evidencije o svojim rashodima i obavezama,***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***
- ***da imenuje ovlašteno lice koje je odgovorno za vođenje poslovnih knjiga političkih stranaka, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, te da o imenovanju ovlaštenog lica i u slučaju bilo kakve promjene statusa tog lica obavještava Centralnu izbornu komisiju Bosne i Hercegovine u roku od 15 dana od njegovog imenovanja, odnosno promjene statusa tog lica.***

KOMENTAR:

U ostavljenom roku, Bosanska narodna stranka BNS-VND nije dostavila primjedbe na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2022. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić